

民雜處有強等軍欺害良善事發拘審抗拒及民人犯罪被其隱護要照張昇奏行事例凡軍旗舍余有犯徑自拘拏發落摺之律例俱有違碍其稱中間為害深重及民人結黨同惡者問擬枷號係在邊方不無大重亦難准行本部欲行各邊軍衛有司衙門今後凡遇軍民詞訟相干涉者仍要會問其或相去路遠不拘其親管止會附近一處衙門依律約問果有旗軍舍余人等結黨抗拒為害深重及該衛所并有司官員占愆不發問理不公者許申各該巡撫巡按按察司官參詳定奪听從等因應奏請者奏

請提問如此庶得律例不悖軍民不偏奉聖旨是欽此

軍民詞訟照例會官檢勘依限完報

一件會官檢勘事弘治元年五月內南京刑部奏該刑部尚書何等題

准通行內外問刑衙門今後軍民詞訟無相干者仍照例責成該管衙門若係人命并軍民相干詞訟衛所委軍政管府縣委公正官會問勘檢供要照依限作急完報敢有展轉推調及違限不完報托故營承別差者所原委衙門應參究者徑自參究應提問者徑自提問